

Sehla sa ho Faela sa Ditherasete se haufi le ho qala

Tshwane, 7 Loetse 2026 — Ditshebeletso tsa Lekgetho tsa Afrika Borwa (SARS) di tiisa hore sehla sa ho faela sa Ditherasete se haufi le ho qala ka la 19 Loetse 2026. Ho latela Koranta ya Mmuso, letsatsi la ho qetela la hore Ditherasete di faele ke la 22 Pherekongong 2027 bakeng sa bobedi e leng balefalekgetho ba dithrasete ba nakwana le bao e seng ba nakwana. Batshepuwa le baemedi ba ngodisitsweng ba lokela ho faela Dikgutliso tsa Lekgetho la Lekenno la Ditherasete (ITR12T) ka nako ena.

Ditherasete tsohle tsa baahi tse ngodisitsweng mmoho le ditherasete tseo e seng tsa baahi tse monyetleng le tse lokelang ho fana ka dikgutliso ho latela tsebiso ya setjhaba sa selemo ka seng di tlameha ho fana ka ITR12T.

Boingodiso le SARS ke mohato o tlang pele ho faelwa. Therasete efe kapa efe e tlameha ho ngodisetswa Lekgetho la Lekenno nakong ya matsatsi a 21 ka mora hore e ngodiswe ho Hlooho ya Lekgotla le Phahameng. Ho na le ditherasete tse sa ngodiswang. Batshepuwa ba kgothaletswa ho nnetefatsa hore Ditherasete tsohle tse monyetleng wa sena di ngodisitswe ka nepo le hore di ikobela boitlamo ba tsona ba ho faela. SARS e etsa hore dintho di be bonolo le ho nolofatsa boingodiso ka ho fana ka tharollo e bonolo ya dijithale bakeng sa Ditherasete ho ka ingodisetsa lekgetho la lekenno ka tshebediso ya *SARS Online Query System* e fumanehang websaeteng ya SARS.

Boingodiso bo ka nna ba etswa lekaleng la SARS ka mora hore o etse tlhophiso ya kopano ka eBooking websaeteng ya SARS. Lenane la ditokomane tse hlokehang bakeng sa boingodiso ba therasete bakeng sa lekgetho la lekenno le ka nna la fumanwa websaeteng ya SARS. Ha jwale SARS e ntse e le mothating wa ho supa ditherasete tse lokelang ho ingodisa le ho nnetefatsa hore ditherasete tse monyetleng wa sena di kena lenaneng la tse lefang lekgetho.

Sehla sena sa ho faela se tsamaisana le ho tsebiswa ha moralo wa tshebetso wa SARS wa dikotlo tsa taolo ya ho se ikobele tefo ya lekgetho o mabapi le boitlamo ba Ditherasete. Balefalekgetho ba Ditherasete ba tla thabela ho tseba hore kgutliso ya lekgetho la lekenno ya Ditherasete ITR12T e se e ntlafaditswe hore ho be bonolo ho ikobela boitlamo ba ditherasete le ho qoba dikotlo tsa taolo tsa ho nyehela ka mora nako kapa tsa ho se nyehela hohang. Dintlafatso tsena di akaretsa:

- Lekeno, bokaalo boo e leng ba hao mmoho le lesedi la ditshenyehelo tse itseng tseo deitha ya tsona e se e kentswe ka hara IT3(t) ho fokotsa phetapheto le ho ntlafatsa nepahalo.
- Disejule tsa baunamolemo tse ho ITR12T le tsona di se di kentswe lesedi ka ho sebedisa deitha ya mekga ya boraro ya IT3(t).
- Dipotso tse mabapi le mothehi wa borui ba bounamolemo di tla ntlafatswa hore di akaretse dinyewe moo ho tsona mothehi e leng setheo sa molao ya sa hloleng a le teng, hodima tsa batho ba seng ba hlokahele.
- Dintlha tsa boikopanyi tsa setsebi sa lekgetho jwale ke sekgeo sa setlamo mme sena se tla bebofatsa dikgokahanyo tse ntle.

Ha Therasete e se e sa sebetse mme e fedisitswe ho latela tsa Therasete mmoho le molao o sebetsang, Batshepuwa ba lokela ho nka mehato e hlokehang ho hlakola boingodiso ba Therasete ka bobedi ho Hlooho ya Lekgotla le Phahameng (Hlooho) le ho SARS.

Mothating ona, ho tlameha hore ho hlokomelwe hore ho hlakolwa ho etsahalang ho Hlooho ha ho bolele hore ke tse etsahalang ka tsela ya othomathike ho SARS. Ka mora ho hlakolwa ho etsahalang ho Hlooho, Therasete e tlameha ho hlakola boingodiso le SARS ka ho fana ka kopo ya tlhakolo, mmoho le ditokomane tse hlokehang tsa tshehetso, ka ho romela imeile ho contactus@sars.gov.za kapa lekaleng la SARS ka ho etsa tlhophiso ya kopano.

Nyehelo ya Dikgutliso tsa Ha Ho Letho (Nil) le tsa Maemo a Hlahlobilweng a Tahlehelo: Ntlha eo SARS e Tsepamisitseng Maikutlo ho Yona

Sehleng sena sa ho faela, SARS e tla beha kapele ho supa, ho manolla le ho rarolla ho se tshwane ho fumanweng nyehelong ya dikgutliso tsa ha ho letho (nil) le tsa maemo a tahlehelo e hlahlobilweng. Tsepamiso ena ya maikutlo e tla thusa ho ntlafatsa boikobelo le ho tlaleha ka nepo hwa Ditherasete tsohle. Ho bonahala eka ho na le mohopolo o fosahetseng hara balefalekgetho ba Ditherasete o reng Ditherasete tse kginneng tshebetso nakwana ha di sebedisetswe tsa tlhahiso ya lekeno, mme ka hona ho faelwa dikgutliso tsa ha ho letho bakeng sa ditherasete tse jwalo. Ho ba teng ha thepa e kginneng tshebetso nakwana ha ho bolele hore Therasete ha e sa na boitlamo ba ho tsebahatsa thepa ya yona, mmoho le lesedi lohle la ditjhelete le amehang.

Balefalekgetho ba hopotswa hore thepa yohle, ho akareditswe le e "bobileng" kapa e kginneng tshebetso nakwana, e tlameha ho tsebahatswa. Hodima moo, lekeno lohle le ditshenyehelo tse amanang le thepa e jwalo — mohlala, ntlo ya matsatsi a phomolo kapa thepa e sa tsamayeng mmoho le tlhokomelo ya thepa e jwalo — di tlameha ho tsebahatswa ka nepo.

Ditherasete tse tlalehang dikgutliso tsa ha ho letho kapa tsa maemo a tahlehelo e hlahlobilweng di lokela ho theha tsena hodima tshenolo e felletseng ya thepa ya therasete, lekeno, ditshenyehelo mmoho le dikoloto. Dikgutliso tsa ha ho letho kapa tsa maemo a tahlehelo e hlahlobilweng di tlameha ho tshehetswa ka botlalo ke direkoto tsa Therasete mmoho le boemo ba tsona.

Batshepuwa ba dutse ba jere boikarabelo ba Merero ya Lekgetho ya Therasete

SARS e toboketsa hore boikarabelo ba ho fumana, ho hlokomela le ho ntjhafatsa lesedi le nepahetseng la Ditherasete e dutse le boikarabelo bo ikgethang ba Batshepuwa. Molao wa Taolo ya Thepa ya Ditherasete wa Nomoro ya 57 wa 1988 (TPCA) o neha Batshepuwa thomo ya sebetsa ka tlhokomelo, le ka boikitlaetso le boitsebelo tsamaisong ya merero ya Ditherasete. Hodima moo, “molao wa tshebetso e kopanetsweng” o hloka hore Batshepuwa bao e leng bomphatho ba sebetse ka kopanelo taolong ya Therasete. Le ha batshepuwa ba ka fetisa/romeletsa mesebetsi e itseng, ba dula ba jara boikarabelo ba ho qetela. TPCA e na le meedi hodima dipehelo tse lekang ho tshola Batshepuwa boikarabelong ba bona boemong boo sena laetsweng ke molao teng.

Batshepuwa ba ka kgetha setsebi sa lekgetho ho thusa taolong ya Therasete le hore e tsebe ho phetha boitlamo ba yona. Le ha ho le jwalo, Batshepuwa ba dula ba jarile boikarabelo ba molao bakeng sa boikobelo ba lekgetho ba Therasete mahlong a molao. Tlasa boemo bo itseng bo hlahellang ka hara Molao wa Taolo ya Lekgetho, Batshepuwa ba ka jariswa boikarabelo ka seqo bakeng sa boitlamo ba lekgetho ba Therasete. Kahoo batshepuwa ba lokela ho nnetefatsa hore Therasete e dula e ikobela boitlamo ba yona ba lekgetho ka hohlehohle.

Se hlokehang ho Faela Kgutliso ya Lekgetho la Lekenno bakeng sa Therasete.

Batshepuwa ba ka fana ka dikgutliso tsa bona ka SARS [eFiling \(sarsefiling.co.za\)](https://sarsefiling.co.za) kapa ba ikela setsing sa tshebeletso sa SARS ka ho [etsa tlhophiso ya kopano feela](#). Balefalekgetho ba tlameha ho ingodisetsa eFiling ho faela ITR12T. Kgutliso ya lekgetho e nolofaditsweng e fumaneha ho eFiling bakeng sa Ditherasete tse kginneng tshebetso nakwana. ITR12T e ntlafaditswe ka leqephe la tsebahatso ya borui ba bounamolemo ho rekota beng bohle ba unang molemo mmoho le bao ba ka qetellang ba unne molemo ho tswa Theraseteng kapa thepeng ya yona.

Therasete e nang le baunamolemo ba leshome kapa ba ka tlase ho mona e ka nna ya ba monyetleng wa hore ITR12T e tlatsetswe lekaleng la SARS ha feela e le hore ho entswe

[tlhophiso ya kopano](#) websaeteng ya SARS, mme kgutliso eo e printilwe e na le dikgeo tse lokelang ho tlatswa pele ho kopano eo. ITR12T e ka rwalla ho tswa ho eFiling.

Ditokomane tse hlokehang ho Faela Kgutliso ya Lekgetho la Therasete ITR12T

Batshepuwa ba lokela ho ba le ditokomane tsena tse latelang ha ba tlatsa ITR12T kapa ha di koptjwa ke SARS:

- Tokomane ya Therasete kapa wili
- Leqephe la lekeno le ditshenyehelo
- Bopaki ba dikhrediti dife kapa dife tsa lekgetho
- Diteitemente tsa ditjhelete tsa selemo ka seng/diakhaonto tsa taolo tsa selemo ka seng
- Tokomane e supang baunamolemo ho ya ka setheo ka seng se boletsweng
- Metsotso le qeto ya ho thonngwa ha Batshepuwa
- Lengolo la Bolaodi

Batshepuwa ba lokela ho hopola ho tlaleha diphetoho dife kapa dife tse etsahalang dintlheng tse ngodisitsweng tsa Therasete ho SARS nakong ya matsatsi a 21 a kgwebo mabapi le phetoho eo. Tlhokeho ena ha e felle feela mofuteng o le mong wa phetoho. Sena se akaretsa, mohlala, diphetoho tsa Batshepuwa, tsa baemedi ba molefalekgetho, dintlha tsa boikopanyi, tsa sebaka kapa tsa diaterese tsa poso, mmoho le dintlha dife kapa dife tse ding tse ngodisitsweng le tse mabapi le Therasete. Ho hloleha ho tsebisa SARS ka diphetoho tsa tse ngodisitsweng ho ka nna ha baka tlolo ya bonokwane tlasa karolo ya 234 ya Molao wa Taolo ya Lekgetho.

Ho faelwa ha IT3(t) Kgutliso ya Deitha ya Mokga wa Boraro bakeng sa Ditherasete

Balefalekgetho ba ditherasete ba tlameha ho hlokomela hore kgutliso ya deitha ya mokga wa boraro e leng IT3(t) e lokela ho nyehelwa ka la 30 Loetse 2026, bakeng sa selemo sa hlahlobo sa 2026. Kgutliso ya deitha ya mokga wa boraro e leng IT3(t) e tlameha ho nyehelwa ke moemedi wa balefalekgetho ba Ditherasete. Sepheo ka kgutliso ya IT3(t) ke hore moemedi wa balefalekgetho ba Therasete a fane ka dintlha tsa bokaalo boo e leng ba baunamolemo bakeng sa selemo seo se itseng tsa hlahlobo. Kgutliso ya IT3(t) e sebediswa ho tlatsa dikgutliso tsa lekgetho tsa baunamolemo ka bokaalo boo e leng ba baunamolemo bao ke Therasete.

Ho fumana lesedi le fetang lena, ka kopo ikopanye le SARS ka SARSMedia@sars.gov.za.

KE PHETHO